



Broj: 01-04-8-1232/21-4  
Datum: 30.12.2021. godine

Na osnovu člana 70. Zakona o javnim nabavkama BiH („Službeni glasnik BiH“, broj 39/14), Pravilnika o postupku dodjele ugovora o uslugama iz Aneksa II dio B Zakona o javnim nabavkama („Službeni glasnik BiH“ broj 66/16), Zapisnika o pregledu i ocjeni ponuda broj: 01-04-8-1232/21-3, člana 39. Statuta Općine Travnik ("Službene novine Općine Travnik", broj 11/05 - Prečišćeni tekst), načelnik Općine Travnik, **d o n o s i**

### **R J E Š E N J E**

#### **o izboru najpovoljnijeg ponuđača u postupku dodjele ugovora iz Aneksa II dio B Zakona o javnim nabavkama BiH**

- (1) Ugovor za javnu nabavku usluga: "Usluge fizičkog obezbjeđenja zgrade općine Travnik za 2022. godinu", dodjeljuje se ponuđaču Agencija za zaštitu ljudi i imovine „SECURITAS“ d.o.o. SARAJEVO sa ponuđenom ukupnom cijenom ponude u iznosu od 29.315,52 KM sa uključenim PDV-om.
- (2) Izabrani ponuđač je dužan u roku od 5 (pet) dana od dana zaprimanja ovog Rješenja, na adresu Općine Travnik, Konatur bb 72270 Travnik, dostaviti originale ili ovjerene kopije dokaza traženih tenderskom dokumentacijom ne starije od 3 (tri) mjeseca od dana predaje ponude, u skladu sa Izjavom ponuđača, s tim da datum izdavanja dokumenata ne smije biti nakon datuma podnošenja ponude.
- (3) Za izvršenje ovog Rješenja i praćenje realizacije ugovora zadužuje se Služba za zajedničke i komunalne poslove.
- (4) Ovo Rješenje objavit će se na web-stranici Općine Travnik: [www.opcinatravnik.com.ba](http://www.opcinatravnik.com.ba) shodno članu 70. stav 6. Zakona o javnim nabavkama i to istovremeno s upućivanjem Rješenja ponuđačima koji su učestvovali u postupku nabavke.

### **O b r a z l o ž e n j e**

Ugovorni organ je pokrenuo postupak dodjele ugovora na čiju dodjelu se primjenjuje poseban režim u skladu s članom 8. Zakona o javnim nabavkama („Službeni glasnik BiH“ broj 39/14), te je u skladu sa Pravilnikom o postupku dodjele ugovora o uslugama iz Aneksa II dio B Zakona o javnim nabavkama („Službeni glasnik BiH“ broj 66/16), uputio pismeni poziv za dostavu ponuda za nabavku usluga "Usluge fizičkog obezbjeđenja zgrade općine Travnik". Procijenjena vrijednost nabavka iznosi 25.060,00 KM bez PDV-a, kriterij za dodjelu ugovora je "najniža cijena".

U skladu sa članom 7. stav (3) i (4) Pravilnika o postupku dodjele ugovora o uslugama iz Aneksa II dio B Zakona o javnim nabavkama BiH ("Službeni glasnik BiH" broj 66/16) ugovorni organ je objavio poziv za dostavu ponuda na svojoj web stranici [www.opcinatravnik.com.ba](http://www.opcinatravnik.com.ba) dana 13.12.2021. godine, te isti poziv uputio na tri adrese.

Komisija za javnu nabavku imenovana je Rješenjem broj: 01-30-10-601/21 od 23.6.2021. godine. Komisija je shodno članu 63. Zakona o javnim nabavkama („Službeni glasnik BiH“ broj 39/14) izvršila javno otvaranje u roku dostavljenih ponuda. Javnom otvaranju ponuda nisu prisustvovali ovlašteni predstavnici ponuđača. Zapisnik o otvaranju ponuda je prosljeđen u zakonskom roku.

Komisija je izvršila analizu dokumentacije priložene uz ponude u smislu propisane forme, suštinske provjere sadržaja i njihove validnosti obzirom na iskazane zahtjeve ugovornog organa u tenderskoj dokumentaciji - pozivu evidencijski broj: 01-04-8-1232/21, odnosno izvršila ocjenu ponude u skladu s procedurama i pravilima utvrđenim tenderskom dokumentacijom, Zakonom o javnim nabavkama, pripadajućim podzakonskim aktima i internim aktima ugovornog organa, o čemu je sačinila odgovarajući zapisnik u kojem je utvrđeno sljedeće:

- Da je ukupno prispjela 1 (jedna) ponuda;
- Da je blagovremeno zaprimljena 1 (jedna) ponuda,
- Da nije bilo neblagovremenih ponuda;
- Da je ponuda ponuđača prihvatljiva;
- Da nema neprihvatljivih ponuda.

Nakon pregleda i analize dostavljene ponude, Komisija za javne nabavke je konstatovala da je uz ponudu priložena sva tražena dokumentacija, te je dana 29.12.2021. godine općinskom načelniku dostavila Zapisnik o radu Komisije i ocjeni ponuda koji je ujedno i Izvještaj o radu Komisije broj: 01-04-8-1232/21-3 sa preporukom da se predmetna javna nabavka okonča dodjelom ugovora.

Tokom donošenja ovog rješenja posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, računsku kontrolu ponuđenih cijena, te ocjenu prispjele ponude shodno kriterijima iz Tenderske dokumentacije.

U postupku ocjene provedenog postupka načelnik Općine nije našao nepravilnosti ili propuste u radu, koji bi eventualno bili razlog za neprihvatanje preporuke Komisije za javne nabavke.

#### **POUKA O PRAVNOM LIJEKU:**

Protiv ovog Rješenja može se izjaviti žalba u roku od 10 dana od dana objave dobrovoljnog ex ante obavještenja o transparentnosti, ako je obavještenje objavljeno, odnosno 30 (trideset) dana od dana objave obavještenja o dodjeli ugovora, ukoliko dobrovoljno ex ante obavještenje o transparentnosti nije objavljeno.

Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka koji ne može biti manji od tri.

Obradila: *Aida Kavazović*, dipl.iur

#### **DOSTAVITI:**

1. Ponuđaču x 1
2. Arhiva
3. Web stranica UO

